



Jumat, 25 Oktober 2024
Ogen : Filipi 2: 1-2



Simaba Kemalemén Ate



Geluh si ermalem ate, kerina kalak ersura guna ndatkensa e maka kerina cara ilakoken guna ndatkensa. Nina kalak, duit maba kemalem en ate. Lit duit banci datken sada kehangatan. Kalak banci nukur kai pe termasuk pengabdian ras kesetiaan kalak sideban. Tapi kenca idat, geluh si ermalem ate pe labo reh, si reh justru kearun ate ras kerangapen. Egia, me payo nge duit banci nukur kenikmaten? Payo, saja ngenca e pe terjeng kentsik ngenca sabap kenikmaten labo pernah mereken kemalem en ate tapi si reh e me kiniseran.

Jadi, salah sada sumber kemalem en ate e me hubungan antar manusia sabap ia mereken rasa aman sekaligus dukungan sosial i bas kegeluhen. E maka Paulus pe labo pernah ngajarken kerna kenikmaten sebage sumber kemalem en ate. Tapi Paulus ngajarken kerna relasi manusia si ersada i bas arih, si kelengkelengen, ersada i bas kegeluhen ras ersada i bas ukur. Si e me mabasa kemalem en ate i bas diri Paulus. Pemindon Paulus sada ngenca e me keleng ate ras kiniersadan. Perukuren Paulus enda seri ras perkuren sekalak filsuf Aristoteles si menekankan kerna kebahagiaan arah hubungan sosial erkiteken manusia e me *zoon politikon* e me makhluk sosial. Alu relasi si mehuli, setara, sikelengkelengen maka manusia selaku makhluk si terhubung akan menciptaken sada kebahagiaan i bas dirina subuk secara personal ras komunitas. Bersahabatlah dengan semua orang! Perlu si inget maka temanta si lit i doni enda situhuna pemere Dibata guna engkelengi kita ras sikelengi ka ia. Teman e anugrah gelah kita la sisada. Lit si man kelengenta ras lit si engkelengi kita. Pedauhlah biak ngukuri dirinta jine.